

Na osnovu člana 16. Stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 181. sjednici, održanoj dana 25.03.2019., godine, donosi

ZAKLJUČAK

I.

Prima se na znanje Izvještaj o radu Kantonalnog pravobranilaštva Zenica za 2018. godinu.

II.

Izvještaj iz tačke I ovog zaključka upućuje se u dalju skupštinsku proceduru.


III.

Zaključak stupa na snagu danom donošenja.

Broj: 02- *02-4817* /19
Datum, 25.03.2019. godine
Zenica

DOSTAVLJENO:

1x Ministarstvo za pravosuđe i upravu,
1x Kantonalni pravobranilaštvo Zenica (putem ministarstva),
 1x Stručna služba Skupštine,
1x a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO PRAVOBRANILAŠTVO
Z E N I C A**

**IZVJEŠTAJ O RADU
KANTONALNOG PRAVOBRANILAŠTVA ZENICA
za 2018. godinu**

Zenica, mart 2019. godine

Na osnovu odredbe čl. 31. Zakona o pravobranilaštvu («Službene novine Zeničko-dobojskog kantona», br. 12/13), Kantonalno pravobranilaštvo Zenica podnosi Vladi i Skupštini Zeničko-dobojskog kantona

IZVJEŠTAJ **O RADU KANTONALNOG PRAVOBRANILAŠTVA ZENICA** *za period od 01.01.2018. do 31.12.2018. godine*

I Uvod

Kantonalno pravobranilaštvo Zenica (u daljem tekstu: Pravobranilaštvo) je neovisan i samostalan kantonalni organ, koji preduzima mjere i pravna sredstva radi pravne zaštite imovine i imovinskih interesa Zeničko-dobojskog kantona (u daljem tekstu: Kanton).

Nadležnost i djelokrug rada Kantonalnog pravobranilaštva Zenica u odnosu na poduzimanje pravnih radnji i mjera u cilju zaštite imovine i imovinskih interesa Zeničko-dobojskog kantona, propisani su Zakonom o pravobranilaštvu («Službene novine Zeničko-dobojskog kantona», br. 12/13), kojim je određeno da poslove zaštite imovinskih prava i interesa Kantona i njegovih organa i organizacija, te drugih organa i organizacija koji nemaju svojstvo pravnog lica, a finansiraju se iz budžeta Kantona, obavlja Kantonalno pravobranilaštvo Zeničko-dobojskog kantona, koje vrši svoju funkciju na osnovu zakona i drugih propisa, a što podrazumijeva da Pravobranilaštvo obavlja slijedeće poslove:

- kao samostalan organ, u postupku pred sudovima i drugim nadležnim organima, zastupa Kanton kao zakonski zastupnik i preduzima pravna sredstva radi zaštite imovinskih prava i interesa Kantona i kantonalnih organa u svim sudskim i upravnim postupcima,*
- preduzima mjere radi pokušaja zaključenja vansudske nagodbe prije pokretanja postupka pred nadležnim sudom ili drugim organom, ili u toku pokrenutog postupka, te zaključuje sporazume o vansudskim nagodbama sa dužnicima ili povjeriocima Kantona, uz saglasnost Vlade Kantona, odnosno Komisije za predhodnu saglasnost za zaključivanje sudske i izvansudske nagodbe Vlade Kantona,*
- daje mišljenja prije zaključivanja privrednih ugovora i ugovora koji regulišu imovinsko – pravna pitanja,*
- daje pravna mišljenja i pruža stručnu pomoć kantonalnim organima pri rješavanju imovinsko-pravnih odnosa,*
- u okviru preventivnog djelovanja, prati i proučava pojave i probleme iz oblasti vršenja svojih funkcija koje se odnose na primjenu zakona, te obavještava nadležne organe i predlaže mjere za sprečavanje društveno štetnih pojava.*

Pored navedenih, Pravobranilaštvo obavlja i poslove utvrđene posebnim zakonima i drugim propisima, koji su, između ostalih, slijedeći:

- podnosi nadležnim tužilaštvima i sudovima imovinsko pravni zahtjev u skladu sa Zakonom o krivičnom postupku, nakon obavještenja od strane nadležnog suda/tužilaštva, kada je usljed krivičnog djela oštećena imovina Kantona,*
- daje pravna mišljenja na dostavljene prijedloge ugovora koji regulišu imovinsko pravna pitanja, a na osnovu ovlaštenja koja su utvrđena u: Zakonu o stvarnim pravima, Zakonu o poljoprivrednom zemljištu, Zakonu o koncesijama, Zakonu o šumama, kao i drugim zakonima i propisima,*
- pokreće postupak za upis stvarnih prava na nekretninama čiji je nosilac Kanton, kao i upis javnih i općih dobara, na osnovu Zakona o stvarnim pravima,*
- može podnijeti žalbu protiv rješenja kojim je povrijeđen zakon u korist pojedinca ili pravnog lica a na štetu javnog interesa, u skladu sa ovlaštenjem koje mu je dato odredbama Zakona o opštem upravnom postupku,*

na osnovu Zakona o upravnim sporovima može pokrenuti upravni spor, kad je upravnim aktom povrijeđen zakon na štetu Kantona, koga Kantonalno pravobranilaštvo zastupa po zakonu, kao i u drugim slučajevima određenim zakonom, u kojem slučaju su svi organi uprave, službe za upravu i pravna lica dužni da o takvim aktima, kad za njih saznaju, obavijeste Kantonalnog pravobranioaca.

U skladu sa propisanom nadležnosti Pravobranilaštva i opisu poslova nosilaca pravobranilačke funkcije, u skladu sa Zakonom, Pravobranilaštvo Kantona obezbjeđuje:

- zakonito, stručno i efikasno vršenje poslova iz svoje nadležnosti,
- ostvarivanje saradnje sa ministarstvima, kantonalnim i općinskim organima, sa organima i organizacijama na nivou Federacije BiH, sa organima pravosuđa na svim nivoima, sa pravobranilaštvima na svim nivoima, posebno radi ujednačavanja prakse i zauzimanja stavova po istim ili sličnim pravnim pitanjima,
- praćenje i proučavanje sudske prakse i zauzimanje jedinstvenih stavova na Stručnom kolegiju vezano za predmete iz nadležnosti Pravobranilaštva i drugih spornih pitanja iz svog djelokruga rada.

U 2018. godini u radu Kantonalnog pravobranilaštva Zenica evidentirano je ukupno 10.390 predmeta, od kojih je 415 parničnih spisa (oznaka „P“), 8.928 izvršna spisa i to 6.730 spisa koji se odnose na neplaćenu sudsku taksu (oznaka „Ist“) i 2.198 ostalih izvršnih spisa (oznaka „I“), 10 upravnih spisa (oznaka „U“), 669 mišljenja (oznaka „M“), 299 raznih spisa (oznaka „R“), te 69 internih spisa (oznaka „Up“).

Od ukupnog broja svih predmeta u radu u 2018. godini (3.444 zaprimljenih predmeta i 6.946 nezavršenih predmeta prenesenih iz prethodne godine), u izvještajnom periodu je okončano ukupno 1.904 predmeta, dok je kao nezavršenih preneseno u narednu godinu 8.486 predmeta (od kojih se 8.055 predmeta odnosi na izvršne spise i to 5.988 za naplatu sudske takse i 2.067 za ostala prinudna izvršenja).

Tabelarni prikaz spisa u 2018. godini

Naziv spisa	Broj spisa prenesenih iz 2017. godine	Broj spisa zaprimljenih u 2018. godini	Ukupan broj spisa u radu u 2018. godini	Broj okončanih spisa u 2018. godini	Broj prenesenih spisa u 2019. godinu
“P” (parnični)	288	127	415	156	259
“I” (izvršni)	1.270	928	2.198	131	2.067
“Ist” (izvršni-sudska taksa)	5.225	1.505	6.730	742	5.988
“U” (upravni)	7	3	10	3	7
“M” (mišljenja)	35	634	669	627	42
“R” (razno)	118	181	299	182	117
“Up” (interni)	3	66	69	63	6
Ukupno	6.946	3.444	10.390	1.904	8.486

II Poslovi zastupanja

U okviru aktivnosti na poslovima zastupanja, kao najznačajnijim poslovima iz nadležnosti Pravobranilaštva, Pravobranilaštvo je angažovano na poslovima:

- sačinjavanja tužbi Kantona protiv trećih lica i upućivanja istih nadležnim sudovima,
- izrade odgovora na zaprimljene tužbe protiv Kantona,
- ulaganju redovnih (žalbi, prigovora) i vanrednih pravnih lijekova (revizija, apelacija) protiv odluka sudova,
- uključivanja u svojstvu umješaka u sudske sporove po tužbama protiv drugih pravnih lica (osnovnih i srednjih škola radi primjene kolektivnih ugovora), te izrade odgovora tuženih na tužbe, te redovnih i vanrednih pravnih lijekova i apelacija,
- podnošenja prijedloga za izvršenje u ime Kantona i ulaganju prigovora protiv rješenja o izvršenju donesenih protiv Kantona, izradi pismenih podnesaka u toku trajanja izvršnog postupka,
- davanja pismenog odgovora na pravne lijekove druge stranke u postupku,
- zaključivanja sudskih i vansudskih nagodbi,
- podnošenja imovinsko-pravnih zahtjeva u krivičnim postupcima,
- pristupa i zastupanja na sudskim ročištima i raspravama pred organima uprave radi zastupanja interesa Kantona.

U sudskim i upravnim postupcima Pravobranilaštvo učestvuje u svojstvu stranke u postupku i dužno je da poduzima sve pravne radnje koje su potrebne radi zaštite imovinsko-pravnih interesa Kantona.

U sudskim postupcima Pravobranilaštvo se pojavljuje u ulozi zakonskog zastupnika tužitelja, tuženog ili umješaka u parničnim postupcima, (što podrazumjeva uključivanje u sporove koji se vode pred sudom između drugih pravnih lica u pravnim situacijama kada Kanton ima interes da jedna od strana u sporu uspije u postupku), te tražitelja izvršenja i izvršenika u izvršnim postupcima.

U 2018. godini u radu je bilo ukupno 9.353 parničnih, izvršnih i upravnih predmeta, a Pravobranilaštvo je zastupalo Kanton na ukupno 623 zakazana ročišta u sudskim postupcima, pred općinskim sudovima Zeničko-dobojskog kantona, Kantonalnim sudom u Zenici, te općinskim i kantonalnim sudovima van područja Kantona.

PARNIČNI POSTUPAK („P“)

U 2018. godini Pravobranilaštvo je u radu imalo 415 parnična predmeta, od kojih je zaprimljen 127 novi predmet, a 288 predmeta preneseno je iz prethodne godine.

U izvještajnom periodu pravosnažno je okončano 156 parnica, a u 2019. godinu preneseno je 259 nezavršenih predmeta iz 2018. godine.

Pravobranilaštvo je tokom 2018. godine u ime Kantona podnijelo ukupno 86 tužbi i dalo 40 odgovora na tužbe (27 u ime Kantona, 13 za osnovne i srednje škole u svojstvu umješaka), uložilo 45 žalbi na prvostepene presude i dalo 11 odgovora na žalbe suprotne strane, izjavilo 2 revizije Vrhovnom sudu Federacije BiH protiv drugostepenih odluka, te je uložilo 1 apelaciju Ustavnom sudu BiH.

Po zaprimljenim i riješenim tužbama u 2018. godini, Pravobranilaštvo je zastupalo Kanton u ukupno 282 parničnih postupaka, (126 po zaprimljenim tužbama u 2018. godini i 156 okončanih postupaka), od kojih je

- u 166 parnica bio u ulozi tužitelja,
- u 80 parnica u ulozi tuženog, te
- u 36 parničnih postupaka u ulozi umješaka na strani tuženog, po tužbama podnesenim protiv osnovnih i srednjih škola, radi primjene kolektivnih ugovora.

Ukupna vrijednost svih parničnih sporova evidentiranih u izvještajnom periodu iznosi 124.241.271,39 KM, u kojima je Kanton bio tužilac i tuženi, računajući i parnice u kojima je Zeničko-dobojski kanton učestvovao u svojstvu umješaka na strani tuženih škola.

Po podnesenim tužbama Kantona protiv trećih lica, zaprimljenih i okončanih u 2018. godini, ukupna vrijednost sporova je iznosila 438.090,07 KM.

Ukupna vrijednost podnesenih tužbi protiv Kantona (računajući i tužbe protiv osnovnih i srednjih škola) zaprimljenih, te okončanih u 2018. godini iznosi 123.803.181,32 KM.

Po osnovu primjene granskih kolektivnih ugovora, visina utuženih potraživanja u 2018. godini iznosi ukupno 485.770,00 KM, od čega se 58.050,00 KM potražuje od strane 71 zaposlenika pravosudnih organa, 408.720,00 KM se odnosi na 42 tužbena zahtjeva protiv osnovnih škola u Kantonu i 19.000,00 KM, koje se potražuju od strane 1 zaposlenika srednjih škola.

Tokom 2018. godine u redovnom parničnom postupku, pravosnažno je okončano 76 predmeta po tužbama protiv Kantona, ukupne vrijednosti spora od 116.759.199,02 KM, od čega je 30 tužitelja potraživalo od Kantona po raznim osnovama (dug, naknada štete, radni spor i dr.) ukupan iznos od 110.542.055,52 KM, a istima je konačno dosuđeno ukupno 11.813,30 KM, (usvojeno je 6 tužbi /4 u cjelosti, 2 djelimično/ u ukupnom iznosu od 11.813,30 KM, 12 tužbi je odbijeno za utuženi iznos od 96.717.014,62 KM, 7 tužbi je povučeno, kojima je potraživano ukupno 175.267,10 KM, 4 tužbe su odbačene za ukupan iznos od 13.055,50 KM, po 1 tužbi postupak je okončan prekidom postupka zbog stečaja tužitelja, za utužen iznos od 13.620.000,00 KM, a u 2 predmeta, u kojima su tužbe djelimično usvojene, tužitelji su odbijeni sa dijelom tužbenih zahtjeva u ukupnom iznosu od 4.905,00 KM).

46 okončanih predmeta odnosi se na tužbe protiv Kantona, osnovnih i srednjih škola, radi neposredne primjene kolektivnih ugovora, u kojima je potraživano ukupno 6.217.143,50 KM, a dosuđeno je ukupno 3.842.412,31 KM.

Po tužbama Kantona okončano je 80 predmeta, u kojima je utuženo ukupno 186.830,12 KM, od čega je 61 tužba usvojena u cjelosti i dosuđeno u korist Kantona ukupno 182.091,24 KM, 18 tužbi, kojima je potraživano ukupno 4.555,04 KM, je povučeno, jer su tuženi prije donošenja presude u cjelosti izmirili dug Kantonu (dug po osnovu naknade štete), a po 1 tužbi postupak je okončan rješenjem suda o prekidu postupka zbog smrti tuženog, v.s. 183,84 KM.

Od ukupno 156 pravosnažno okončanih predmeta u 2018. godini

- po tužbama protiv Kantona, dosuđeno je ukupno 336.269,77 KM (od čega se 324.456,47 KM odnosi na naknade po osnovu kolektivnih ugovora (uprava, MUP i pravosuđe) i 11.813,30 KM na ugovorene i regresne dugove, naknade šteta i naknade iz radnog odnosa), a po tužbama protiv osnovnih i srednjih škola radi primjene granskih kolektivnih ugovora dosuđeno je ukupno 3.517.955,84 KM i to protiv osnovnih škola 3.465.294,60 KM, a protiv srednjih škola 52.661,24 KM), a*
- u korist Kantona presuđeno je ukupno 111.509.287,74 KM, a u korist osnovnih i srednjih škola ukupno 1.577.776,91 KM i to osnovnih – 1.066.919,02 KM i srednjih škola – 510.857,89 KM, bilo da su usvojeni tužbeni zahtjevi Kantona ili su tužitelji odbijeni u cjelosti ili djelimično sa tužbenim zahtjevom ili je došlo do povlačenja tužbi od strane tužitelja ili je postupak okončan na drugi način (odbacivanjem tužbe, prekid postupka i sl.).*

Povlačenjem tužbi u 2018. godini okončano je ukupno 26 predmeta, ukupne vrijednosti spora 223.465,96 KM.

Povlačenjem tužbi okončano je 8 sporova pokrenutih protiv Kantona, ukupne vrijednosti od 218.910,82 KM (od čega 2 radi izvršenja ugovornih obaveza u iznosu od 1.101,90 KM, 4 radi naknade štete u iznosu od 173.250,35 KM, 1 radi naknada iz radnog odnosa u iznosu od 914,85 KM, te 1 radi primjene Kolektivnog ugovora za službenike organa uprave i sudske vlasti u Federaciji BiH u ukupnoj vrijednosti od 43.643,82 KM. Tužitelji su povlačili tužbe protiv Kantona, najčešće zbog naknadnog ispunjenja obaveze od strane Kantona i zbog istaknutih prigovora zastarjelosti potraživanja, prigovora nedostatka aktivne legitimacije na strani tužitelja, nedostatka pasivne legitimacije na strani tuženih.

Povučeno je 18 tužbi Kantona protiv tuženih za naknadu štete zbog počinjene šumske krađe i zbog neizvršenja ugovornih obaveza, ukupne vrijednosti spora 4.555,04 KM, jer su tuženi u toku postupka izmirili utuženi dug.

Sporovi za naknadu štete

U strukturi sporova za naknadu štete najznačajniji su sporovi zbog štete nastale neizvršenjem zakonskih i ugovornih obaveza, a najbrojniji su sporovi za štete nastale zbog šumske krađe, štete zbog napada pasa lotalica, zatim štete na vozilu učesnika u saobraćaju zbog neadekvatnog održavanja puteva iz nadležnosti Kantona, štete zbog povreda na radu, štete nastale zbog nepropisnog postupanja državnih organa i dr.

Iz ove grupacije sporova, Pravobranilaštvo je u 2018. godini zastupalo Kanton u 183 predmeta (ukupna v.s. 116.325.544,92 KM), od kojih su

- 95 predmeta zaprimljena u toku godine ukupne vrijednosti spora od 5.815.689,78 KM (84 tužbe Kantona protiv trećih lica, v.s. 209.304,87 KM i 11 tužbi protiv Kantona, v.s. 5.616.314,48 KM), a
- 88 predmeta je okončano u 2018. godini ukupne vrijednosti spora od 110.509.855,14 KM (72 tužbe Kantona, v.s. 14.126,07 KM i 16 tužbi protiv Kantona, v.s. 110.495.729,07 KM).

Od ukupno 88 pravosnažno okončanih predmeta po ovom osnovu, 87 predmeta su riješena u korist Kantona, za ukupnu vrijednost od 110.544.368,29 KM.

Od ukupno 72 podnesene tužbe Kantona, 56 tužbi su u cjelosti usvojene, v.s. 12.910,79 KM.

Kanton je povukao 15 tužbi, kojima je potraživano ukupno 1.031,44 KM, jer je utuženi dug u toku postupka plaćen, a po 1 tužbi (šumska krađa) nastupio je prekid postupka, v.s. 183,84 KM, jer je tuženi u toku postupka umro.

Od ukupno 16 tužbi podnesenih protiv Kantona, povučene su 4 tužbe, kojima je potraživan ukupan iznos od 173.250,35 KM (za štete zbog koncesione naknade – 23.100,00 KM, poplava – 143.033,35 KM, napada životinja – 3.900,00, te materijalna šteta 3.217,00 KM), odbijeno je 9 tužbi protiv Kantona, kojima je potraživan ukupan iznos od 96.684.423,22 KM, od čega 96.362.590,00 zbog nezaključenja ugovora o koncesiji sa rudnicima, 206.613,22 KM zbog naknade za korištenje šuma, 100.000,00 radi naknade nematerijalne štete, 13.300,00 KM zbog napada pasa lotalica, te 1.920,00 KM zbog poplave).

Od preostala 3 tužbena zahtjeva protiv Kantona kojima je utuženo ukupno 13.638.055,00 KM, 1 tužba (naknada štete zbog napada medvjeda na pčelinjak) je djelimično usvojena u iznosu od 1.150,00 KM, a odbijena je za iznos od 3.850,00 KM, 1 tužba (zbog neosnovanog bogaćenja) je odbačena za iznos od 13.055,50 KM, a po 1 tužbi (zbog izmakle dobiti) nastupio je prekid postupka, v.s. 13.620.000,00 KM, jer je nad tužiteljem otvoren stečajni postupak.

Tužbama protiv Kantona zaprimljenim u 2018. godini (11 tužbi), potražuje se naknada štete u ukupnom iznosu od 5.616.314,48 KM KM, od čega se 5.218.000,00 KM odnosi na potraživanje naknade štete zbog nezaključenja ugovora o koncesiji, 100.000,00 KM naknada štete zbog izgubljene dobiti provođenjem nezakonite preventivne sistematske deratizacije na području ZDK, 193.384,91 KM naknada materijalne i nematerijalne štete zbog prisilnog smještaja u Zavod za zaštitu mentalno invalidnih lica, 50.500,00 KM naknada materijalne štete zbog propusta u postupanju suda, 10.000,00 KM zbog postupanja pripadnika MUP-a ZDK prilikom pretresa kuća, 26.500,00 KM štete u saobraćaju, 8.000,00 KM za naknadu štete zbog napada životinja i 9.929,57 za naknadu šteta zbog povreda na radu.

Pravobranilaštvo je u ime Kantona u toku 2018. godine podnijelo 84 tužbe radi naknade štete, od čega 78 tužbi za naknadu štete zbog šumske krađe, ukupne vrijednosti spora od 8.082,51 KM i 6

tužbi za naknadu štete ukupne vrijednosti spora u iznosu od 201.222,36 KM (5 tužbi zbog naknade štete počinjene prekršajem na osnovu Zakona o šumama ZDK, u ukupnom iznosu od 196.144,56 KM i 1 tužba za naknadu štete za uništen mobilni radar na putu – 5.077,80 KM).

Štete zbog neizvršenja ugovornih i zakonskih obaveza

U ovoj grupaciji sporova prisutni su privredni sporovi koji proizilaze iz raznih pravnih odnosa Kantona sa drugim pravnim subjektima, i to najčešće radi naplate dospjelih, a nenaplaćenih obaveza koje proizilaze iz zakona, koncesionih ugovora, ugovora o kreditima, ugovora o raznim vrstama usluga, te kupoprodajnih ugovora po kojima nisu ispoštovani ugovoreni rokovi za plaćanje ugovorenih naknada, pa u slučajevima kada dug nije sporan, u većini slučajeva dužnik izmiri dug prije nego što se zakaže rasprava po tužbi, u kojem slučaju tužitelj povlači tužbu.

U izvještajnom periodu Pravobranilaštvo je u ime Kantona podnijelo 1 tužbu za naplatu koncesionog duga u ukupnom iznosu od 36.000,00 KM, 1 tužbu za naplatu duga po osnovu ugovora o kupoprodaji stana u iznosu od 5.955,08 KM.

U 2018. godini, protiv Kantona su zaprimljene 3 tužbe radi naplate duga, ukupne vrijednosti od 886.845,00 KM (od čega se 882.000 KM odnosi na potraživanje Grada Zenica radi dodjele sredstava na osnovu Programa utroška sredstava vodnih naknada, 4.410,00 KM na dug – ugovor o djelu, 435,00 KM na dug za usluge KBZ.

U sporovima protiv Kantona, u kojima je radi duga utuženo ukupno 38.186,21 KM, u 2018. godini okončano je 7 predmeta, tako što su

- 3 tužbe usvojene u cjelosti u ukupnom iznosu od 4.492,91 KM (dug prema Privredna štampa Sarajevo u iznosu od 2.035,80 KM, neplaćena ugovorena usluga u iznosu od 2.148,12 KM i regresni dug prema osiguravatelju u iznosu od 308,99 KM)
- 2 tužbe su odbijene u ukupno potraživanom iznosu od 32.591,40 KM (potraživanja za izvršene usluge signalizacije na putevima u iznosu od 31.506,40 KM i potraživanje regresnog duga prema osiguravatelju u iznosu od 1.085,00 KM),
- 2 tužbe su povučene u ukupnom iznosu od 1.101,90 KM (435,00 KM dug za usluge KBZ i 666,90 KM dug Službeni list Sarajevo, jer je dug plaćen).

U izvještajnom periodu, po ovom osnovu okončano je 8 sporova po tužbama Kantona, podnesenim u ranijem periodu, ukupne vrijednosti 172.704,05 KM, tako što je

- usvojeno 5 tužbi u ukupnom iznosu od 169.180,45 KM (dug za koncesionu naknadu) i
- 3 tužbe su povučene u ukupnom iznosu od 3.523,60 KM (dug po osnovu ugovora o kreditu za razvoj stočarstva i ugovora o osiguranju), jer su obaveze plaćene nakon podnošenja tužbi.

Štete proistekle iz šumske krađe

U toku 2018. godine Pravobranilaštvo je podnijelo 78 tužbi za naknadu štete zbog šumske krađe, koja je utvrđena u prekršajnim i krivičnim postupcima, u ukupnom iznosu potraživanja od 8.082,51 KM.

Po ranije podnesenim tužbama radi duga za izvršenu šumsku krađu, u 2018. godini okončana su 72 spora ukupne vrijednosti od 14.126,07 KM, tako što je 56 tužbi usvojeno u cjelosti u ukupnom iznosu od 12.910,79 KM, 15 tužbi je povučeno ukupne vrijednosti od 1.031,44 KM, jer je dug u toku postupka plaćen i po jednoj tužbi, v.s. 183,84 KM, sud je donio rješenje o prekidu postupka zbog smrti tuženog u toku postupka.

Štete nastale u saobraćaju

Kako je Kanton odgovoran za bezbjedno odvijanje saobraćaja na cestama kojim upravlja, tužbe za štete nastale u saobraćaju najčešće se podnose za štete nastale zbog neadekvatnog održavanja cesta i objekata na istim, nepostavljanja odgovarajućih znakova upozorenja, odrona kamena na cestama i sl. (urušavanje mosta, oštećenje objekta usljed rekonstrukcije puta, saobraćajne nesreće usljed oštećenja puta, te drugi uzroci nastanka šteta na vozilu).

U izvještajnom periodu evidentirane su 3 nove tužbe protiv Kantona radi šteta nastalih u saobraćaju, ukupne vrijednosti spora od 26.500,00 KM.

Po tužbama protiv kantona iz ranijih godina, po ovom osnovu u 2018. godini okončan je 1 spor, tako što je tužba odbijena za utuženi iznos od 1.600,00 KM i 1 tužba ja povučena za utuženi iznos od 3.217,00 KM.

Štete pričinjene trećim licima od strane organa ili uposlenika Kantona

Za štetu koju trećem licu u vršenju ili u vezi sa vršenjem svojih funkcija prouzrokuje kantonalni organ ili uposlenik Kantona, odgovara Kanton, kao pravno lice.

U toku 2018. godine podneseno je 5 tužbi protiv Kantona za naknadu šteta po ovom osnovu, ukupne vrijednosti od 5.571.884,91 KM. Tužbe su podnesene radi naknade materijalne štete zbog nezaključenja ugovora o koncesiji - utuženo 5.218.000,00 KM, zbog izgubljene dobiti provođenjem nezakonite preventivne sistematske deratizacije na području ZDK - utuženo 100.000,00 KM, zbog propusta u postupanju suda - utuženo 50.500,00 KM, te radi naknada materijalne i nematerijalne štete zbog prisilnog smještaja u Zavod za zaštitu mentalno invalidnih lica - utuženo 193.384,91 KM i zbog postupanja pripadnika MUP-a ZDK prilikom pretresa kuća - utuženo 10.000,00 KM.

U okviru ove grupacije sporova, u 2018. godini pravosnažno je okončano 9 predmeta u kojima je potraživano ukupno 110.470.312,07 KM, tako što ni jedan tužbeni zahtjev nije usvojen, nego su

- 5 tužbenih zahtjeva odbijeni u cjelosti kao neosnovani za ukupno potraživani iznos od 96.671.123,22 KM (2 za naknadu materijalne štete zbog nezaključenja ugovora o koncesiji – ukupno utuženo 96.362.590,00 KM, 1 za materijalnu štetu zbog neplaćanja naknade za korištenje šuma – utuženo 206.613,22 KM, 1 tužbeni zahtjev za naknadu nematerijalne štete zbog smrti učenika u školi – utuženo 100.000,00 KM i 1 tužbeni zahtjev za naknadu štete usljed poplava – utuženo 1.920,00 KM),
- 2 tužbe su povučene za ukupno potraživani iznos od 166.133,35 KM (1 za naknadu štete zbog neuplaćene koncesione naknade – utuženo 23.100,00 KM i 1 za devastiranu imovinu usljed poplave – utuženo 143.033,35 KM),
- 1 tužba zbog naknade štete za uplaćeni porez na promet nekretnina je odbačena - utuženo 13.055,50 KM i
- po 1 tužbi je sud donio rješenje o prekidu parničnog postupka zbog otvaranja stečajnog postupka nad tužiteljem - utuženo 13.620.000,00 KM

Štete nastale na radu ili u vezi sa radom

U izvještajnom periodu u Pravobranilaštvu su zaprimljene 2 tužbe radi naknade štete zbog povrede na radu i to: 1 tužba uposlenika Kantona, kojom se potražuje iznos od 7.500,00 KM i 1 tužba uposlenika osnovne škole kojom se potražuje iznos od 2.429,57 KM.

Iz ove grupacije sporova u 2018. godini nije pravosnažno okončan ni jedan spor po tužbama iz ranijih godina.

Sporovi radno-pravnog karaktera

U 2018. godini Pravobranilaštvo je zastupalo Kanton (kao tuženog i kao umješaka na strani tuženog) u 73 sudska spora radno-pravnog karaktera (24 podnesene tužbe i 49 pravosnažno okončanih).

Sporovi radi isplate plaća i naknada po Kolektivnim ugovorima

Radi isplate razlika plaća i drugih naknada primjenom Kolektivnog ugovora za službenike organa uprave i sudske vlasti u Federaciji BiH, Kolektivnog ugovora za djelatnost osnovnog obrazovanja u Federaciji BiH i Kolektivnog ugovora za djelatnost srednjeg obrazovanja u Federaciji BiH, zaključenih 2000. godine, u 2018. godini protiv Kantona, te osnovnih i srednjih škola sa područja Kantona podneseno je 16 novih tužbi od strane 114 zaposlenika i to: 71 zaposlenik iz pravosudnih institucija, 42 zaposlenika osnovnih škola sa područja Kantona, te 1 zaposlenik srednjih škola, koji potražuju ukupan iznos od 485.770,00 KM.

Na temelju Kolektivnog ugovora za službenike organa uprave i sudske vlasti u Federaciji BiH, protiv Zeničko-dobojskog kantona podnesene su 3 nove tužbe od strane 71-og tužitelja - uposlenika pravosudnih organa, a ukupna visina potraživanja iznosi 58.050,00 KM.

Radi primjene Kolektivnog ugovora za djelatnost srednjeg obrazovanja u Federaciji BiH, podnesena je 1 tužba od strane 1 zaposlenika srednje škole, kojom se potražuje iznos od 19.000,00 KM.

Radi primjene Kolektivnog ugovora za djelatnost osnovnog obrazovanja u Federaciji BiH, u izvještajnom periodu podneseno je 12 novih tužbi od strane 42 tužitelja - zaposlenika osnovnih škola na području Kantona, kojima se potražuje ukupno 408.720,00 KM.

Po tužbama radi isplate plaća i naknada na osnovu granskih kolektivnih ugovora iz 2000. godine, u izvještajnom periodu riješeno je 46 tužbi, kojima je utuženo ukupno 6.217.143,50 KM, a dosuđeno ukupno 3.842.412,31 KM i to:

- 2 tužbe podnesene od strane 26 tužitelja - uposlenika kantonalne uprave, koji su potraživali ukupno 96.000,00 KM, djelimično su usvojene za iznos od 30.087,49 KM, a odbijene za iznos od 65.912,51 KM,
- 17 tužbi podnesenih od strane 151-og tužitelja - zaposlenika MUP-a Kantona, koji su potraživali ukupno 744.151,09 KM, riješeno je tako što je 1 tužba usvojena u cjelosti i 15 tužbi su usvojene djelimično, za ukupno dosuđeni iznos od 258.031,71 KM, dok su tužitelji odbijeni za iznos od 442.475,56 KM, te je 1 tužba povučena za iznos od 43.643,82 KM,
- 4 tužbe podnesenih od strane 59 tužitelja - zaposlenika pravosudnih organa koji su potraživali ukupno 281.259,66 KM, riješeno je tako što je 1 tužba usvojena u cjelosti, a 3 djelimično za ukupno dosuđeni iznos od 36.337,27 KM, a tužitelji su odbijeni za iznos od 244.922,39 KM,
- 3 tužbe podnesene od strane 31-og tužitelja - zaposlenika srednjih škola na području Kantona, koji su potraživali ukupno 563.519,13 KM, riješeno je tako što su sve tri tužbe usvojene djelimično za ukupan iznos od 52.661,24 KM, a odbijene za iznos od 510.857,89 KM i
- 20 tužbi podnesenih od strane 231 tužitelja - zaposlenika osnovnih škola na području Kantona, koji su potraživali ukupno 4.532.213,62 KM, riješeno je tako što je 6 tužbi usvojeno u cjelosti, a 14 djelimično, za ukupno dosuđeni iznos od 3.465.294,60 KM, a tužitelji su odbijeni za ukupan iznos od 1.066.919,02 KM.

Napominjemo da su naprijed navedene tužbe podnesene u periodu 2015. – 2017. godine, a utuženi periodi su obuhvatali periode prije prestanka važenja granskih kolektivnih ugovora zaključenih 2000. godine.

Ovo ističemo iz razloga što su saglasno odredbama Zakona o radu („Službene novine Federacije BiH”, br.26/16) krajem 2016. godine prestali važiti granski kolektivni ugovori zaključeni 2000. godine, a kako su 10.11.2016. godine zaključeni Kolektivni ugovor o izmjenama i dopunama Kolektivnog ugovora za službenike organa uprave i sudske vlasti u Federaciji BiH (“Službene novine FBiH”, br.89/16) i 24.11.2016. godine Kolektivni ugovor za djelatnost osnovnog obrazovanja za teritorij Zeničko-

dobojskog kantona i Kolektivni ugovor za djelatnost srednjeg obrazovanja za teritorij Zeničko-dobojskog kantona ("Službene novine Zeničko-dobojskog kantona", br. 13/16), ukoliko se isti budu poštovali, za pretpostaviti je da nove tužbe po osnovu direktne primjene kolektivnih ugovora ne bi trebale biti osnovane.

Ostali radni sporovi

U 2018. godini Pravobranilaštvo je zaprimilo 8 tužbi protiv Kantona radi ostvarenja ostalih prava uposlenika iz radnog odnosa, koja glase na novčano potraživanje, kojima se potražuje ukupno 24.052,82 KM (naknade za prevoz na posao i naknade plaće).

Iz ove grupacije u 2018. godini okončana su 3 spora po tužbama radi isplata naknada za rad i razlike otpremnine, u kojima je potraživano ukupno 8.140,24 KM, tako što je 1 tužbeni zahtjev usvojen u cjelosti u iznosu od 4.111,79 KM, 1 je usvojen djelimično za iznos od 2.058,60 KM, a odbijen za iznos od 1.055,00 KM, a 1 tužbeni zahtjev, kojim je potraživan iznos od 914,85 KM, je povučen.

IZVRŠNI POSTUPAK („I“)

Tokom 2018. godine u radu Pravobranilaštva evidentirano je ukupno 8.928 izvršna predmeta (6.730 predmeta radi naplate sudske takse /„Ist“/ i 2.198 ostala izvršna predmeta /“I“/), od kojih je 6.495 preneseno iz predhodne godine.

U izvještajnom periodu zaprimljeno je 2.433 nova izvršna predmeta (928 radi prinudne naplate pravosnažno dosuđenih potraživanja i 1.505 radi prinudne naplate sudske takse), pravosnažno je okončano 873 predmeta, dok je 8.055 nezavršenih predmeta preneseno u narednu godinu.

Od ukupno 2.433 zaprimljena izvršna predmeta, 2.252 predmeta se odnose na prijedloge za izvršenje, koje je u 2018. godini, u ime Kantona, Pravobranilaštvo podnijelo nadležnim sudovima, od kojih se 1.505 prijedloga odnosi na prinudnu naplatu neplaćene sudske takse i 747 prijedloga za prinudnu naplatu duga po osnovu ugovora o koncesiji, duga za štete nastale izvršenom šumskom krađom, te neplaćene troškove parničnog i izvršnog postupka, koji su dosuđeni u korist Kantona.

181 predmet se odnosi na prijedloge za izvršenje za prinudnu naplatu duga, koji su podneseni protiv Kantona, radi naplate dosuđenih naknada na osnovu pravosnažnih presuda.

Od ukupno 8.928 izvršna predmeta, koji su bili u radu u toku 2018. godine, donošenjem rješenja o izvršenju okončano je ukupno 873 predmeta, od kojih se 742 predmeta odnosi na sudske takse, a 131 predmet na ostala izvršenja.

Izvršni postupci, u kojima se Kanton pojavljuje u ulozi tražioca izvršenja, odnose se na izvršni postupak pokrenut protiv lica koja ne vraćaju kredite dobijene iz budžetskih sredstava, lica za koja je utvrđeno u krivičnim i prekršajnim postupcima da su odgovorni za šumsku krađu, lica koja nisu po rješenju suda platili sudsku taksu i prijedlozi protiv pravnih i fizičkih lica, koja nisu platila obaveze dosuđene Kantonu pravosnažnim presudama.

U okviru preventivnog djelovanja, prije pokretanja izvršnog postupka, Pravobranilaštvo je upućivanjem pismenih opomena dužnicima u većem broju predmeta uspjelo da obezbjedi plaćanje sudske takse bez podnošenja prijedloga za izvršenje.

Prijedlozi za izvršenje koji se podnose u ime Kantona, odnose se uglavnom na prinudnu naplatu sudske takse koja nije plaćena dobrovoljno u vođenim parničnim postupcima pred općinskim sudovima u Kantonu, koje su određene rješenjem sudova. Kod tih prijedloga, odnosno kod realizacije usvojenih rješenja o izvršenju i dalje je prisutan problem nedostatka ispravne i potpune oznake naziva i adrese izvršenika, zatim statusne promjene (koje je nakon izdavanja rješenja o visini naknade izvršio

izvršenik – fizičko ili pravno lice) i izvršene promjene prebivališta i boravišta izvršenika, a koje nisu registrovane i koje Pravobranilaštvu nisu poznate, što utiče na dužinu i ishod samog izvršnog postupka, pa često i na njegovu obustavu.

Pored činjenice što je izvršenik često nepoznat na adresi iz izvršne isprave, provođenje sudskih izvršenja, na osnovu rješenja suda o izvršenju po prijedlogu Kantona, veoma je otežano i iz razloga što su računski izvršenika često blokirani ili ugašeni, odnosno što izvršenik-fizičko lice nema nikakve imovine na kojoj bi se moglo provesti izvršenje.

U skladu sa Zaključkom Vlade Kantona o proceduri zaključivanja sudske i vansudske nagodbe Broj: 02-34-4772/16 od 26.02.2016. godine, u 2018. godini Kantonalno pravobranilaštvo je, radi mirnog izmirenja duga, zaključilo 4 sporazuma o vansudskoj nagodbi, od kojih je 1 sporazum zaključen sa zaposlenikom Kantona, radi isplate dijela naknade nematerijalne štete po osnovu povrede na radu i 3 sporazuma sa dužnicima Kantona, čije obaveze su utvrđene pravosnažnim presudama, radi isplate koncesione naknade i naknade za korištenje državnih šuma). Svi sporazumi su zaključeni uz pismenu saglasnost Komisije za prethodnu saglasnost za zaključenje sudskih i vansudskih nagodbi.

U toku 2018. godine u svim okončanim parničnim i izvršnim postupcima, na ime naknade i nagrade za rad (zastupanje) Kantonalnog pravobranilaštva, koji predstavljaju troškove postupka, u korist Kantona, ukupno je dosuđeno 72.364,80 KM, i to: 19.706 KM na ime troškova parničnog postupka i 72.364,80 KM na ime troškova izvršnog postupka. Ova sredstva se uplaćuju direktno u Budžet Kantona i ista nisu predviđena stavkom "prihodi budžeta", jer se ista dosuđuju za rad pravobranilaca na osnovu odredaba Zakona o parničnom postupku prema advokatskoj tarifi, kada Pravobranilaštvo u potpunosti ili djelimično uspije u sporu, pa slijedi da su ista doprinos Kantonalnog pravobranilaštva Budžetu Kantona.

UPRAVNI POSTUPAK („U“)

Tokom 2018. godine Pravobranilaštvo je u radu imalo 10 predmeta u upravnom postupku i upravnom sporu, s tim što su 7 predmeta prenesena kao nezavršena iz prethodne godine, 3 su zaprimljena u 2018. godini, 3 predmeta su okončana, te je 7 predmeta, kao nezavršenih, preneseno u 2019. godinu.

OSTALI PREDMETI („R“)

Ostali predmeti pod oznakom „R“, odnose se na izradu pojedinačnih informacija iz nadležnosti Pravobranilaštva, podnošenje imovinsko-pravnih zahtjeva u krivičnim postupcima protiv lica koja su izvršenjem krivičnog djela oštetili Budžet Kantona, prijedlozi za uknjižbu imovinskih prava, izjašnjenja Pravobranilaštva po podnesenim prijavama zbog neizvršenja pravosnažnih presuda, razne prepiske između Pravobranilaštva i subjekata čije interese Pravobranilaštvo zastupa ili subjekata koji se pismeno obraćaju Pravobranilaštvu po raznim pravnim pitanjima i dr.

Iz ove grupacije predmeta u 2018. godini evidentirano je u radu 299 predmeta, od kojih je 182 okončano, a rješavanje 117 predmeta je preneseno u 2019. godinu.

III Preventivna djelatnost Pravobranilaštva

Preventivna djelatnost Pravobranilaštva usmjerena je na spriječavanje nastanka povrede imovinskih prava subjekta, čije interese Pravobranilaštvo zastupa, odnosno na smanjenje vrste i obima tih povreda, zatim na sporazumno rješavanje spornih imovinsko-pravnih odnosa, kad je to moguće i pravno osnovano.

Pravobranilaštvo preduzima i druge preventivne radnje i mjere koje utiču na smanjenje štetnih posljedica po državnu imovinu, izbjegavanje nepotrebnih sudskih postupaka i troškova, te bržeg ostvarivanja nespornih prava subjekta kojeg zastupa.

U okviru preventivnog djelovanja, Pravobranilaštvo daje pravna mišljenja organima i tijelima Kantona po pitanju korišćenja i raspolaganja državnom imovinom, pruža stručnu pomoć organima i tijelima Kantona čije interese zastupa u rješavanju imovinsko-pravnih pitanja, kao i drugih subjekata kada je to u interesu Kantona, predlaže nadležnim organima poduzimanje određenih pravnih radnji u cilju zaštite državne imovine, te saraduje sa kantonalnim i općinskim tijelima u rješavanju imovinsko-pravnih pitanja.

U skladu sa članom 13. Zakona o pravobranilaštvu, kantonalni organi i organizacije čije imovinsko-pravne interese Pravobranilaštvo zastupa, dužna su da u poslovima pravnog prometa prije zaključenja pravnog posla, pribave mišljenje Pravobranilaštva.

U 2018. godini Pravobranilaštvo je imalo zastupljene sve navedene oblike preventivnog djelovanja, od kojih su najzastupljeniji davanje pravnih mišljenja (oznaka „M“), te upućivanje opomena za dobrovoljno ispunjenje obaveza za koje su Pravobranilaštvu upućeni prijedlozi za podnošenje tužbi ili prijedlozi za izvršenje od nadležnih kantonalnih organa.

U izvještajnom periodu Pravobranilaštvo je u radu imalo 669 zahtjeva za davanje pravnih mišljenja, od kojih je 35 zahtjeva preneseno iz prethodne godine, a 634 zaprimljeno u 2018. godini. Ukupno je dato 627 pravnih mišljenja, od kojih se 304 odnosi na pravna mišljenja po ugovorima (kupoprodajni ugovori, ugovori o koncesijama, ugovori o građenju, ugovori o raznim vrstama usluga, ugovori o zakupu i dr.), a 323 mišljenja se odnosi na druga pravna pitanja iz različitih pravnih oblasti (imovinsko-pravna pitanja, radno pravo, naknada štete, obligaciona prava mogućnosti sklapanja sudskih i vansudskih nagodbi iz osnova sudskih presuda, te s tim u vezi pitanje redosljeda naplate potraživanja i dr.).

U okviru preventivnog djelovanja, Pravobranilaštvo kontinuirano saraduje sa nadležnim kantonalnim ministarstvima, sudovima i tužilaštvima, kao i sa općinskim i kantonalnim pravobranilaštvima sa područja Federacije Bosne i Hercegovine u cilju usaglašavanja stajališta o određenim pravnim pitanjima i što efikasnije zaštite državne svojine i zaštite interesa subjekata koje zastupa.

IV Poslovi vezani za rad Pravobranilaštva

U okviru poslova vezanih za rad Pravobranilaštva, najčešći su poslovi izrade raznih rješenja o pravima iz radnog odnosa zaposlenika u Pravobranilaštvu (rješenja o ocjeni namještenika i državnog službenika, o korištenju godišnjeg odmora, te drugim pravima iz radnog odnosa), uvjerenja izdata o podacima iz službene evidencije Pravobranilaštva, izrada općih akata Pravobranilaštva, te izvještaji i informacije o radu Pravobranilaštva.

Iz ove grupacije predmeta („Up“) u radu je bilo 69 predmeta, od kojih je 63 završeno u 2018. godini, a 6 predmeta su prenesena u narednu godinu.

V Kadrovi

U Kantonalnom pravobranilaštvu Zenica angažovano je 9 uposlenika (od kojih su 4 nosioci pravobranilačke funkcije (pravobranilac i 3 zamjenika), 1 državni službenik (stručni saradnik) i 4 namještenika (tehnički sekretar, upisničar, operater-upisničar i kurir-spremačica).

Imajući u vidu zakonom propisanu nadležnost Kantonalnog pravobranilaštva, obim i složenost poslova koje obavlja, posebno strogo poštivanje zakonskih rokova za poduzimanje potrebnih radnji u svim postupcima, bilo bi optimalno da se u Pravobranilaštvu angažuje najmanje 2 pravnik-pripravnik godišnje, što bi značajno doprinijelo efikasnijem radu Pravobranilaštva (posebno na izvršnom referatu), a takođe bi za pravnike-pripravnike bilo značajno obučavati se i raditi na predmetima iz raznih oblasti prava, što bi im omogućilo da poslije završenog pripraničkog staža budu osposobljeni za rad na složenijim pravnim poslovima.


VI Materijalno-tehnička opremljenost Pravobranilaštva

U pogledu materijalne opremljenosti, Kantonalno pravobranilaštvo radi u poslovnim prostorijama izgrađenim 70-tih godina prošlog vijeka, koje je potrebno u cjelosti renovirati (izmijeniti podove, stolariju, toalete) te promijeniti namještaj, da bi iz izgled kancelarija Pravobranilaštva dao potreban dignitet ovoj instituciji, a pravobranilac, zamjenici pravobranilaca i ostali uposlenici konačno dobili zadovoljavajući radni prostor, potpunu materijalnu opremljenost i samim tim optimalne uslove za efikasan rad.

VII Programska orijentacija Pravobranilaštva u 2019. godini

U ostvarivanju principa ustavnosti i zakonitosti i ostvarivanju funkcija i zadataka koji prozilaze iz Zakona o pravobranilaštvu i drugih zakonskih propisa, aktivnosti Kantonalnog pravobranilaštva Zenica će i u narednom periodu biti usmjerene na

- Poduzimanju mjera i aktivnosti radi pravne zaštite imovine i imovinskih interesa Kantona,
- Afirmaciji svih vidova preventivne djelatnosti Pravobranilaštva kao što su sporazumno rješavanje spornih odnosa,
- Kontinuiranom praćenju pojava i problema vezanih za primjenu zakona u praksi, te iniciranjju izmjene istih, putem nadležnih institucija,
- Organizovanju radnih dogovora sa ministarstvima i drugim organima u cilju što stručnijeg i efikasnijeg rada i postizanja boljih rezultata u zaštiti imovine Kantona,
- Ostvarenju saradnje sa federalnim i državnim organima i pravobranilaštvima na svim nivoima radi ujednačavanja prakse i zauzimanja stavova po pravnim pitanjima vezanim za primjenu zakonskih i drugih propisa,
- Ukazivanju Skupštini i Vladi Kantona na uočene pojave i probleme koji ugrožavaju i narušavaju imovinu Kantona, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te u okviru svoje nadležnosti, davati prijedloge za sprječavanje istih,
- Edukaciji nosilaca pravobranilačke funkcije i drugih uposlenika putem seminara, savjetovanja, kurseva, praćenja sudske prakse i nove zakonske regulative,
- Obezbjedenju kadrovskih i materijalno-tehničkih uslova za postizanje veće ažurnosti i efikasnosti u rješavanju predmeta iz nadležnosti Pravobranilaštva.



Kantonalni pravobranilac

Zlata Marjanović

PRILOG:

- Tabela – Predmeti zaprimljeni u 2018. godini
- Tabela – Predmeti riješeni u 2018. godini
- Tabela - Predmeti riješeni u 2018. godini – Tužbe zbog primjene kolektivnih ugovora

Predmeti zaprimljeni u 2018.

tužilac ZDK

broj tužbi	utuženo radi	vrijednost spora u KM
86		251259,95
Pregled po vrsti spora		
1	koncesioni dug	36.000,00
1	dug-stambeni	5.955,08
6	nakn.št.	201.222,36
78	nakn.št.-šumska krađa	8.082,51
86		251.259,95

tuženi ZDK

broj tužbi	utuženo radi	vrijednost spora u KM
24		6.558.212,30
Pregled po vrsti spora		
3	dug	886845,00
1	n.š.nezak.ug.konc.	5.218.000,00
10	nak štete	398.314,48
8	radni sporovi	24.052,82
2	imovinsko-pravni	31.000,00
24		6558212,30

Koektivni ugovori

	broj tužbi	broj tužitelja	vrijednost spora u KM
Uprava	0	0	
MUP	0	0	
pravosuđe	3	71	58.050,00
OŠ	12	42	408.720,00
SŠ	1	1	19.000,00
ukupno	16	114	485.770,00

Predmeti riješeni u 2018.

ZDK - tužilac

broj tužbi	utuženo radi	vrijednost spora u KM	usvojene tužbe	iznos usvoj. t.z. u KM	iznos djelim. odbij. t.z. u KM	odbijene tužbe u cjelosti	iznosi odbij. t.z. u KM	povučene tužbe	vrijednost pov. t.z. u KM	odbačene tužbe	vrijed. odbačeni h tužbi	prekid postupka	vrijednost - prekid postupka
80	duga (koncesije, krediti, nakn. štete, šum. krađa i dr.)	186830,12	61 u cjelosti	182.091,24	0	0		18	4.555,04	0		1	183,84
Pregled po vrsti spora													
3	dug-zak. i ugov. usluge	3.523,60						3	3.523,60				
5	dug (konc.nakna)	169.180,45	5	169.180,45	0	0							
72	naknada štete (š.k.)	14.126,07	56	12.910,79	0	0		15	1.031,44	0		1	183,84
80		186.830,12	61	182.091,24				18	4.555,04	0		1	183,84

ZDK - tuženi

broj tužbi	utuženo radi	vrijednost spora u KM	usvojene tužbe	dosuđeni iznosi u KM	iznosi djelim. odbijenih t.z.	odbijene tužbe u cjelosti	iznosi odbij. t.z. u KM	povučene tužbe	iznosi pov. t.z. u KM	odbačene tužbe	iznosi odbačeni h tz u KM	prekid postupka	utuženi iznosi prekinutog pp u KM
30	duga, naknade štete, prava iz radnog odnosa, poništenja rješenja	110.542.055,52	6 (4 u cjelosti, 2 djelimič.)	11.813,30	4905,00	12	96717014,62	7	175267,10	4	13055,50	1	13620000,00
Pregled po vrsti spora													
7	dug (ugov. i dr. obaveze)	38.186,21	3 (u cjelosti)	4.492,91	0	2	32.591,40	2	1.101,90				
16	nak. štete	110.495.729,07	1 djelimično	1150,00	3.850,00	9	96684423,22	4	173.250,35	1	13055,50	1	13620000,00
3	radni spor	8.140,24	2 (1 u cjel., 1 djelimič.)	6.170,39	1.055,00	0	0	1	914,85				
1	upravni spor					1							
3	poništenje rješ									3			
30		110.542.055,52		11.813,30	4.905,00	12	96.717.014,62	7	175.267,10	4	13055,50	1	13620000,00

Predmeti riješeni u 2018.

TUŽBE ZBOG PRIMJENE KOLEKTIVNIH UGOVORA

	broj tužbi	broj tužitelja	utuženi iznosi u KM	usvojene tužbe	dosuđeni iznosi u KM	iznosi djelim. odbijenih t.z.	odbijene tužbe u cjelosti	iznosi odbij. t.z. u KM	povučene tužbe	iznosi pov. t.z. u KM
Uprava	2	26	96.000,00	2 (djelimično)	30.087,49	65912,51				
MUP	17	151	744.151,09	16(1 u cjelosti, 15 djelimično)	258.031,71	442.475,56			1	43643,82
pravosuđe	4	59	281.259,66	4 (1 u cjelosti, 3 djelimično)	36.337,27	244.922,39				
srednje škole	3	31	563.519,13	3(djelimično)	52661,24	510.857,89				
osnovne škole	20	231	4.532.213,62	20(6 u cjelosti, 14 djelimično)	3465294,60	1066919,02				
UKUPNO	46	498	6.217.143,50		3.842.412,31	2331087,37				43643,82